

ILLYRICUM ORIENTALE.

LIBER OCTAVUS.

I. GRÆCIÆ EN- COMIUM.

^a Justin. lib. 8.
^b Plin. l. 4. Hist.
naturalis cap. 7.
^c Plin. Jun. Epist.
ult. ad Maxi-
mum lib. 8.



GRÆCIAM universumque Illyricum Orientale illustraturus adior: Græciam, inquam, de qua hæc canit Manilius:

*Maxima terra, viris & fecundissima doctis,
Urbibus, & Macedum tellus quæ vicerat orbem.*

Nec immerito, cum hæc viribus & dignitate orbis terrarum princeps fuerit, Justino teste ^a, tanta ^b claritate effulserit, ut nullius sit indiga præconii, & ^c in hac humanitas primum, literæ, & fruges inventæ. Unde mihi de illa scribenti nihil convenientius hujus in libri exordio dicere est, quam quod Salustius de Carthagine, filere de Græcia, quam pauca dicere, longè præstat. Idcirco ad limites singulis hujus totiusque Illyrici Orientalis Provinciis assignatos venio.

II. ILLYRICI ORIENTALIS DIVISIO. ^d Sextus Rufus in Breviario.

Illyrici in universum septemdecim Provincias fuisse supra diximus ex Sexto ^d Rufo, qui è duabus Macedoniis unam tantum facit. Harum sex à Vicario Illyrici Occidentalis, qui parebat Præfecto Prætorio Italiæ, de quibus antea, regebantur: aliæ vero undecim, quarum illustrationem intendimus, à Præfecto Prætorio Illyrici. Sed rem totam ex Notitia Imperii Romani dicamus; hæc habet:

*Sub dispositione virorum illustrium Præfectorum Prætorio
per Illyricum Diæceses infra-scriptæ:*

Macedonia, Dacia.

Provincia Macedonia VI.

*Achaïa, Macedonia, Creta, Thessalia, Epirus vetus, Epirus
nova, & pars Macedonia salutaris.*

Provincia Dacia.

*Dacia Mediterranea, Dacia Ripensis, Mæsia prima, Dardania,
Prævalitana, & pars Macedonia salutaris.*

Duos sub se Vicarios hic Præfectus habebat, quorum unus Provinciis Macedonia præerat, alter aliis Daciæ, è quarum numero non mireris, si non recenseantur Mæsia secunda & Scythia, cum ex eadem Notitia Vicario Thraciæ subjicerentur. Verba Notitiæ sunt:

*Sub dispositione viri spectabilis Vicarii Diæceses Thraciarum
Provincia infra-scriptæ:*

Europa, Thracia, Hemimontus, Rhodope, Mæsia secunda, Scythia.

III. MACEDONIÆ DESCRIPTIO ET SITUS.

Macedoniæ diæcesis eisdem fines habuit, quos Græcia antiqua, si Cretam Insulam, quam addit Notitia, excipiamus: necnon utriusque quatuor Provinciarum numerantur apud antiquos, Epirus quæ in duas postea divisa est, Achaïa, Peloponnesus, & Macedonia. Terminatur autem Macedonia speciatim sumpta à Septentrione Scardo monte, quo etiam à Dalmatia dividitur, Or-